

## Bachelor

Es ged en Sändig wo zo Oberflächlicheite neigt,  
 ond jedi Peinlichkeit am Mäntig spot in HD zeigt  
 Öb z'schlächt im Fuessball, oder nor Vize-Mister  
 Oder hesch als Onterwöschemodel grad chli zwenig Reiz  
 3+ macht dech verdammt bekannt z'Thailand am Strand,  
 Ladies im Sand, Drink i de Hand, du Sonnebrand.

Er hed en Rose, ganz vell Charme  
 esch en Grosse ond e Fraueschwarm  
 Alli Ladies wend zo ehm ganz nöch  
 aber sprochlech hed er grad keis Höch.

Das esch de Bachelor,  
 mer müesst ne wätsche well  
 vell Ladies lätsche müend  
 wenn's ehn ned matche tüend  
 Das esch de Bachelor  
 Mer müesst ne tätsche well  
 alli lätsche tüend  
 Wenn's weder häi go müend

Ond wenn in Thailand besch ond täglech neu dis Härz vergesch  
ane Lady wo fascht Medizinstudentin esch  
Sie hed d'Figur wo jedes Pornomodel-Klischee nährt  
ond das esch wechtiger als alli innerliche Wärt  
Mer düend Champagner trinkend im Jacuzzi versinke  
üs uf Facebook verlinke, ehri Auge düend blinke.

Er hed en Rose, ganz vell Charme  
hed Grosse ond e Fraueschwarm  
alli Ladies wend zo ehm ganz nöch  
aber sprachlech hed er grad keis Höch.

Das esch de Bachelor,  
mer müesst ne wätsche well  
vell Ladies lätsche müend  
wenn's ehn ned matche tüend  
Das esch de Bachelor  
Mer müesst ne tätsche well  
alli lätsche tüend  
Wenn's weder häi go müend.

Ond wenn's för dech kei Rose hed, well de Bachelor en anderi

muesch als Lady ned elei is Bett, 3+ suecht au en Bachelorette.  
Ond wend ned Bachelorette wettsch sii, den schriib dech be de Uni ii,  
det chönntsch sogar en Master ha ond fendsch vellecht en gschiide Maa.

Das esch de Bachelor,  
mer müesst ne wätsche well  
vell Ladies lätsche müend  
wenn's ehn ned matche tüend  
Das esch de Bachelor  
Mer müesst ne tätsche well  
alli lätsche tüend  
Wenn's weder häi go müend.